



GRADONAČELNIK

Broj:07-40-1306 /24

Datum: 31.12.2024. godine

Na osnovu člana 29. tačka 7. i 134. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03; 22/06 i 43/10), člana 27. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Tuzlanskog kantona“, broj: 10//08 i 08/15), člana 32. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj: 77/06 i 5/07) i člana 37. tačka 19. Statuta Grada Srebrenika („Službeni glasnik Grada Srebrenik“, broj: 01/24), člana 7. tačka 5. Odluke o organizovanju i funkcionisanju zaštite i spašavanja broj: 01-04-199-6/24 od 24.05.2024. godine, na prijedlog Gradskog štaba civilne zaštite broj: 10-40-97-358/24 od 31.12.2024. godine, Gradonačelnik Grada Srebrenika d o n o s i,-

ODLUKU

o proglašenju prestanka stanja prirodne nepogode od visokog snijega i snježnih nanosa

I

Ovom Odlukom proglašava se prestanak stanja prirodne nepogode od visokog snijega i snježnih nanosa zaključno sa danom 31.12.2024. godine u 16,00 sati, i stavlja se van snage Odluka o proglašenju stanja prirodne nepogode od visokog snijega i snježnih nanosa na području Grada Srebrenika broj: 07-1036/24 od 24.12.2024. godine.

II

Ovom Odlukom Javnom preduzeću 9. Septembar d.d. Srebrenik u kojem je organizovana „zimski služba“, imajući u vidu nastupajuće niske temperature, izvjesne poledice, dugotrajno zadržavanje snijega i nove moguće padavine, omogućuje se angažovanje dva traktora sa odgovarajućim kašikama za razgrtanje snijega za koje će Gradski štab civilne zaštite iz sredstava posebne naknade za zaštitu i spašavanja izvršiti plaćanje nastalih troškova angažovanja, sa pozicije 614241-1 transfer za posebne namjene - prirodne i druge nesreće – za troškove preduzimanja preventivnih mjera zaštite i spašavanja, po utvrđenoj evidenciji komunalnog preduzeća.

III

Gradskoj komisiji za procjenu šteta određuje se rok u trajanju od 15 dana, da u skladu sa svojim nadležnostima i Uredbom o jedinstvenoj metodologiji za procjenu šteta od prirodnih i drugih nesreća („Službene novine F BiH“ broj: 75/04; 38/06; 52/09; 56/09 i 36/14) izvrše sve poslove na procjenjivanju šteta na svim privatnim, poslovnim, infrastrukturnim i dugim objektima i izrade Zbirni izvještaj o procijenjenim štetama kojeg će dostaviti Gradonačelniku na razmatranje a Službi za civilnu zaštitu za pripremu Konačnog Izvještaja kojeg razmatra i usvaja Gradsko vijeće.



IV

Obavezuju se Gradske službe za upravu da u okviru svoje redovne djelatnosti vrše i dodatne poslove koji se odnose na otklanjanje svih posljedica koje su nastale od prirodne nepogode na području grada Srebrenika.

V

Služba za civilnu zaštitu, kao stručna služba Gradskog štaba civilne zaštite će pripremiti i objediniti sve potrebne izvještaje za Gradonačelnika i Gradsko vijeće.

VI

Služba za civilnu zaštitu će po prestanku stanja prirodne nepogode donijeti Rješenje o obrazovanju komisije za utvrđivanje naknade za korištenje materijalnih sredstava u akcijama zaštite i spašavanja shodno članu 20. stav 1. Uredbe o načinu davanja i vraćanja materijalnih sredstava uzetih za potrebe civilne zaštite („Službene novine Federacije Bosne i Hercegovine“, broj: 23/04 i 38/06)

VII

Odluka stupa na snagu danom donošenja a objaviti će se u Službenom glasniku Grada Srebrenik.

DOSTAVLJENO:

1. Služba za civilnu zaštitu
2. Gradska komisija za procjenu šteta
3. Računovodstvo
4. a/a

GRADONAČELNIK

Adnan Bjelić, s.r.